

**Муниципальное бюджетное общеобразовательное учреждение  
«Новокаякентская СОШ» Каякентского района РД**

Утверждаю:

Директор школы

Джамалутдинова М. Д.

21 февраля 2019 г.

**Тема открытого урока, проводимого в 11-м а классе,  
«Даргинский литературный язык и диалекты»**

**Познавательная цель открытого урока:** ознакомить учащихся с темой открытого урока «Даргинский литературный язык и диалекты», охарактеризовать особенности даргинского литературного языка и разновидностей диалектов.

**Воспитательная цель открытого урока:** привить чувства любви к даргинскому литературному языку и разновидностям диалектов.

**Развивающая цель открытого урока:** выработать у учащихся чувства почтения к разновидностям диалектов даргинского национального языка и даргинскому литературному языку.

**Оборудование открытого урока:** ПК, иллюстрации по национальным костюмам, стихотворения на даргинском языке с целью воспитания чувств любви подрастающего поколения к родному (даргинскому) языку.

**Место проведения:** Муниципальное бюджетное общеобразовательное учреждение «Новокаякентская СОШ» Каякентского района РД, кабинет 34.

**Время проведения:** 21 февраля 2019 г.

**Учитель:** Курбанова Айша Ханаевна, учительница родного языка и литературы МБОУ «Новокаякентская СОШ»



## Тема «Даргала литературный мез ва лугъатуни»

**Дарсла мурадуни.** 1. Даргала литературный мезличила ва лугъатуначила ихтилат барни. 2. Дурх1нала багъудила даража ахъбуцнилис кумекли диэсти хъарбаркъуни гъаладирхъни.

**Дурх1нас бяркъ бедлугнила мурад.** Даргала литературный мезличи ва лугъатуначи буч1антала диги мурхъдик1ахъни, илдада багъудлуми белгидирни.

**Дарсла г1яг1ниахълуми:** дарган мезла учебник, газета «Замана», журнал «Лачин», мел.

### Дарсла каргъни:

#### I. Дурх1ни дарсличи х1ядурбарни.

**Учитель.** Делх1унраяв, ах1ерти дурх1ни! Ишбарх1ила дарсличир наб дигулра х1уша даргала литературный мезличил ва лугъатуначил тянишдарес,

#### Нешла мез

Дурх1ни абикъес нешли  
Лерил г1ямру харждиру,  
Сари рег1си мезличил  
Илдази урк1и буру,  
Г1ях1гъубзни бетаахъес  
Риубцад къайгъи биру,  
Илдази сунна ях1ра  
Адабра минадиру.

Ах1ер нешла гъарил дев  
Урк1илизи дурцули,  
Дубуртала ях1-ламус  
Г1ямрулис хъумх1ертули,  
Адамтас дях1 шалали,  
Шантас кумекдирули,  
Х1уша, дишт1ал дуч1анти,  
Делкъабая г1ямрули!

Нешлаван дарган мезла  
Х1урмат халал бирули,  
Гъарил дугъайзурсила  
Мурад барес гъалакли,  
Х1уша, ник1а дуч1анти,  
Гъар дус разидирули,  
Г1ямрулизир х1улк1ули,

Калабая арали!

Дигахъира ишди дила назмула тугъи хлушаб балгаван мурталра зайдиклули, дарган мезла дурсри хлушаб беглара дигутили ва ахлертили детаурли. Дигахъира даргала литературный мезличил хлуша жагали гъайдиклули. Даргала литературный мезклун – дарган мезла жузи, газетаби, журналти дуракаэс, радио ва телепередачаби дарес пайдаладирути, школабазирра, колледжуназирра, вузаназирра дучлахъути, лебил даргантани иргъути мез сари. Хлуша илди мезличи бурсидарес нуша, учительтанира, диубцад къайгъибирехле. Амма хлушала бажарди биэсра гъягъниси саби.

Илбагъандан наб дигахъира хлуша гъарил дарсличи гъяхлил хлъадурдирули, классла ва хъули хлъанчурби умули луклули, хлергъибси суал лебхлели, мурталра суалдиклули ва нушала литературный мез дяркъес къайгъилизи диркули. Хлебиалли даширая пикридулхъехле ва бурехле, селис гъягънитил мез.

## **II. «ИШ ДУНЪЯЛА КЪАКЪЛИЧИБ» биклуси тема руркъни**

### **ИШ ДУНЪЯЛА КЪАКЪЛИЧИБ**

Иш дунъяла къакъличиб  
Леб бахъ-бахъал халкъани:  
Китайланти, немцуни,  
Англичанти, жугъутИи,  
Гуржиби, къиргъизуни.

Бахъал халкъани-ургаб  
Леб бахъ камти дарганти –  
Нешла мезла вакилти,  
Даргла узби-рузбиван  
Цалис ца ахлерати:  
Ахъушанти, цудхъранти,  
Муиранти, сирхлъанти,  
Гъярбуклъанти, нахканти,  
Хайдакъанти, хлурхъанти  
Цабалги хлербирути.

Лерил мезани-ургар  
Дургар давлачертира,  
Дургар дахъ саркъибтира,  
Дахъ гъяхлил дяркъуртира,  
Камти халкъла диалра,  
Бахъли иргъхлергъаллира,  
Беглътани дагъахъурти  
Мез сари наб дурхъати.

### III. Тетрадунази тема лук1ни ва лугъатуни баяндарни.

**Учитель.** Гъари, ах1ерти дурх1ни, гъанбикахъая, сегъунти лугъатуни лерал, даргантани дузахъути.

**Буч1антани бурес бирар.** (*Илдани бурес х1ебиралли, учительли кумекбирес вирар*). Ахъушала, ц1удхъурла, муирала, сирх1яла, г1ярбук1ла, нахкила, хайдакъла, х1урхъила ва ц.

**Учитель.** Расул Х1ямзатовла уличилси Миллатла библиотекализир дарган мезличил делк1унти дахъал жузи, журналти, газетаби даргес вирар.

Бурая, гъари дурх1ни, дарган мезличил республикала сегъуна газета ва районна газетаби дурадулхъулил.

**Ученикуни.** Дарган мезличил дурабулхъули саби республикала «Замана» бик1уси газета ва районна газетаби:

1. «Бархъдешла гъуни» Ахъушала районнизиб;
2. «Шила г1ямру» Дахадаевла районнизиб;
3. «Хайдакъла зях1матчи» Хайдакъла районнизиб;
4. «Шила дях1» Къарабудахкентла районнизиб;
5. Бархъдешла шала Каякентла районнизиб;
6. Сагаси гъуникад Левашала районнизиб;
7. Эркиндешличи Сергокалала районнизиб.

**Учитель.** Бурая, гъари дурх1ни, дарган мезличил республикала сегъунти журналти дурадулхъулил.

**Ученикуни.** Халатас хасбарибси – «Гъалмагъдеш» ва ва бишт1атас хасбарибси – «Лачин».

**Учитель.** Бурая, дарган мез давлачердияхъес чини халаси пай кабихъибсил?

**Ученикуни.** Илди мез давлачердияхъес халаси къайгъи барибсири нушала хабардерхурти г1ялимтани, писательтани, поэтунани, драматургунани, журналистунани, Г1ямарла Батирайла уличилси театрла артистунани ва царх1илтани.

**Учитель.** Дарган мез нушала хала бег1тала рух1ла давла сари, нуша-дег1ти далуйти-х1ябкубтала зайдик1удеш ва жагадеш сари, дарган рух1ла г1якълула мурхъдеш сари.

Илди мез ванзаличир лералцадх1и, нуша, даргантала гъамдеш, цала цали урк1и иргъудеш кавлуси саби. Илгъуна гъамдеш ва цала цали урк1и иргъудеш кавлахъни бег1тазибадра, жамиг1ятлизибадра, учительтазибадра дигуси саби. Илбагъандан дурсрачиб биаб, хъулиб биаб буч1антани нушала мезла къадри аргъес чебла саби. Нешла мезла илгъуна жагадеш ва мурхъдеш

аргъес багъандан ил рухласи давла лерилра глямрулизиб пайдалабиресра глягниси саби.

Дурх1нала багъудлуми ахъдучес багъандан ишбарх1илла манзиллизир мекелли дахъал имканти лер, сенк1ун дусличи-дус дарган мез руркъниличи Дагъиста республикала Багъудила министерстволи т1алабуни ахъдурцули сари ва илди мез гъаладях1 ардикнилис багаладиэсти далдуцуни дурадурк1ули сари. Илди т1алабуни х1исаблизи касили, дарган мезла даражара ахъбучес гляг1нили саби.

**IV. Тетрадьлизи дугъбала диктант лук1ни. К1ирка х1урпри тикрардирни. Цалихълизирад дахълихъла формаби детарахъни.**

Гъай – гъайми, гъуни – гъунби, г1яра – г1ярми, къаркъа – къаркъуби, къалам – къаламти, к1ап1и – к1ап1ри, хъали – хъулри, хъунул адам – хъунул адамти, х1ули – х1улби, т1ул – т1улби, ц1а – ц1ами, п1ялц1ик1 – п1ялц1ик1уни, ч1ака – ч1акни.

**V. Дарсла тема аргъилил ахтардибарни. (Ихтилат дураберк1ни).**

**Учитель.** Се аргъира. дурх1ни, нушани ишбарх1ила дарсличир?  
**Буч1антани бурес бирар.** Ишбарх1и нушани аргъира:

1. Дарган мезла лук1нила къяйдурти дархъли дузахъес гляг1нили биъни.
2. Нушала мезла гъарил девличи мурхъси пикри бях1чиаэс гляг1нили биъни.
3. Дарган мез дагъес багъандан, илди дигахъес гляг1нили биъни.

**V. Дурх1нала бажарди, пикрибик1ни къиматлабарни**

**VI. Хъули х1янчи бедни.** Тетрадьлизи даргала литературный мезличила ва лугъатуначила сочинение белк1ес.